



B2 maila | Idazmen-proba

Ariketa	Puntuazioa, gutxienez	Puntuazioa, gehienez	Denbora
Idazmen-proba	15	30	75 min



Egitekoa

Jarraian proposatzen zaizkizun bi gaietako **bat** aukeratu behar duzu, eta, ondoren, eskatzen zaizuna kontuan hartuz, idazmen-proba egin.

Oharrak:

- Idazteko, boligrafoa erabili.
- Garbi idatzi, eta saiatu letra argia egiten.
- Orrialde marradunetan idatzi.
- Gogoratu gutxieneko hitz-kopurua bete behar duzula. **Gutxienez, 200 hitz idatzi behar dituzu.**
- Idazlana egiteko **75 minutu dituzu.**

Ebaluazio-irizpideak

B2 mailarako helburuak kontuan hartuta, idazlana zuzentzeko irizpideak:

Egokitasuna

Eskatutako gai, solaskide eta xedearen araberrako lotura. Solaskideen harreman-motari eta xedeari dagokion tonua. Lexikoaren modalizazioa.

Koherentzia

Idea nagusien eta lagungarrien hari logikoa. Diskurtsoaren egitura, garapena eta hurrenkera logikoa. Ideien osotasuna.

Kohesioa

Esaldi, paragrafo eta testu osoa elkarlotzeko testu-antolatzaileen erabilera eraginkorra. Puntuazio-sistema. Kohesio-mekanismoen erabilera: anaforak, ordezkapenak, elipsiak.

Aberastasuna

Hizkuntz baliabideen ugaritasuna eta barietatea. Esaldi landuen eta horien baliokideen erabilera. Ordezkapen lexikalen erabilera.

Zuzentasuna

Gramatika-arauen erabilera zuzena: ortografia, deklinabidea, aditza, morfologia, sintaxia... Gaiari loturiko lexikoa.

Aukeratu proposatzen diren bi gai hauetatik **bat**:

1. gaia: Zaleak agurtzeko gutuna

Egoera:

Kirol-talde bateko jokalaria zara. Beste talde batera aldatzeko eskaintza jaso eta onartu egin duzu. Hori dela eta, zaleen artean zurrumurruak dabiltza, eta pentsatu duzu zure erabakiaren berri ematea lehenbailehen.

Egitekoa:

Idatzi gutuna zaleei, erabakiaren berri emateko eta agurtzeko:

- Eman hartu duzun erabakiaren berri.
- Aipatu beste taldera alde egiteko arrazoiak.
- Azaldu nolakoa izan den taldean bizi izandako esperientzia eta zer garrantzia izan duen zure bizitzan.
- Eskerrak eman taldekideei eta zaleei.

2. gaia: Ospitaleko egonaldian oso gustura ez

Egoera:

Duela aste batzuk ospitaleratuta egon zinen zuk aukeratutako ospitale batean. Oro har, ez zinen oso gustura egon. Orain dela gutxi, bertako gerenteak, zerbitzua hobetu nahian, gutun bat bidali dizu zure iritzia eskatzeko.

Egitekoa:

Idatzi gutuna ospitaleko gerenteari erantzuteko:

- Azaldu zergatik erabaki zenuen ospitale horretara jotzea.
- Aipatu jasotako zerbitzuen alde onen bat.
- Azaldu zertan huts egin zuen ospitaleak (profesionalen lana, jasotako tratua, instalazioak, janaria...).
- Adierazi zer aldatuko zenukeen zerbitzua hobetzeko.

**Zirriborroetarako
(orrialde hau ez da zuzenduko)**

ZIRRIBORROETARAKO